

Broj: 03-02-385/2020
Sarajevo, 30.04.2020. godine

**PARLAMENT FEDERACIJE
BOSNE I HERCEGOVINE**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Prijmljene: 04-05-2020			
Org. jed.	Broj	Priloga	Vrijednost
02	02-	633	20

- Dom naroda-
gosp. Tomislav Martinović, predsjedavajući ✓

PREDMET: Mišljenje Vlade Federacije Bosne i Hercegovine

Poštovani,

U skladu sa članom IV.B.3.7.c) (III) Ustava Federacije BiH, a u vezi sa odredbama čl. 157. i 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), u prilogu Vam dostavljam **Mišljenje Vlade Federacije Bosne i Hercegovine o Prijedlogu zakona o izmjenama i dopunama Zakona o Poreznoj upravi Federacije Bosne i Hercegovine - skraćeni postupak, kojeg je podnio Ramo Isak, delegat u Domu naroda Parlamenta Federacije BiH, a koje je Vlada Federacije Bosne i Hercegovine utvrdila na 221. sjednici, održanoj 30.04.2020. godine.**

S poštovanjem,



PREMIJER

Fadil Novalić

Prilog: kao u tekstu

**Cc: Federalno ministarstvo finansija-
Federalno ministarstvo financija
gđa Jelka Miličević, ministar**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa odredbama čl. 157. i 164. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), nakon razmatranja Prijedloga zakona o izmjenama i dopunama Zakona o Poreznoj upravi Federacije Bosne i Hercegovine – skraćeni postupak, kojeg je podnio Ramo Isak, delegat u Domu naroda Parlamenta Federacije BiH, Vlada Federacije Bosne i Hercegovine je, na 221. sjednici održanoj 30.04.2020. godine, utvrdila sljedeće

MIŠLJENJE

Dostavljenim Prijedlogom zakona o izmjenama i dopunama Zakona o Poreznoj upravi Federacije Bosne i Hercegovine uvodi se institut apsolutne zastare na razrez i naplatu poreza, kamata, troškova prinudne naplate i novčanih kazni, uslovljavanjem ispunjavanja uslova podnošenja poreznih prijava.

Naime, institut zastare je već uređen Zakonom o Poreznoj upravi Federacije Bosne i Hercegovine („Službene novine Federacije BiH“, br. 33/2, 28/04, 57/09, 40/10, 27/12, 7/13, 71/14 i 91/15) i isti je usklađen sa Krivičnim zakonom Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05 i 42/10). Apsolutna zastara razreza poreza je propisana Krivičnim zakonom Federacije Bosne i Hercegovine, jer je razrez poreza odnosno prijava od strane poreznog obveznika prepoznata kao krivično djelo i isto je detaljno uređeno kroz Glavu 23. (Krivična djela iz oblasti poreza).

S druge strane, relativna zastara razreza poreza, kamate i kazne je uređena članom 73. Zakona o Poreznoj upravi Federacije Bosne i Hercegovine, dok je zastara naplate uređena članom 74. Zakona o Poreznoj upravi Federacije Bosne i Hercegovine, sa ograničenjem roka od 5 godina.

U svrhu razumjevanja efekata pravne konstrukcije predložene dopune Zakona i veze sa Krivičnim zakonom Federacije Bosne i Hercegovine, ukazujemo da je institut „razreza“ uređen članom 40. Zakona o Poreznoj upravi Federacije Bosne i Hercegovine te da se pod razrezom podrazumjeva „unos iznosa porezne obaveze u evidencije Porezne uprave“. Nadalje je kroz Poglavlja u Zakonu o Poreznoj upravi Federacije Bosne i Hercegovine uređeno da se porezna obaveza unosi u evidencije Porezne uprave Federacije Bosne i Hercegovine na dva načina: samoprijavlivanjem porezne obaveze - poreznu prijavu podnosi sam porezni obveznik i iskazuje svoju poreznu obavezu (Poglavlje VII), i drugi način - Porezna uprava Federacije Bosne i Hercegovine putem inspekcijuskog nadzora utvrđuje iznos porezne obaveze (Poglavlje XII).

Slijedom navedenog, smo mišljenja da se dostavljeni Prijedlog zakona o izmjenama i dopunama Zakona o Poreznoj upravi Federacije Bosne i Hercegovine ne može prihvatiti.

V. broj: 588/2020
30.04.2020. godine
Sarajevo

